

Der dritte meister heißet Gabriel, interpretatur ‚fortitudo Dei‘. sin ammecht was, das er küntet der jongvrouwen, das got mensche wolte in ir werden, und er wirbet, das sich got vereynget mit der sele. das ist das aller sterkeste ding. da von spricht sanctus Paulus: die sele wirt ein geist mit gote. so sy 5 im iren willen gebent, so ist er gut und wil als sy. und wirt ein eingüng, so singen wir den dritten thone: Domine, exaudi orationem meam. wes bittes du, das ich din antlitt ummer muß sehen? non avertas faciem tuam a me! so dan bereitet wirt die fröude und die wirtschaft, als an dem abent bereitet man (99) 10 das bette. an dem abent gab er selber vollen wirtschaftt, das was syns selb lichnam und blut, und tett, als ein lieber frunt zo dem andern spreche: essent vaste! und wer ich selbs ein broit, ich gebs uch. also sprach er: essent, das ist myn lichnam. der durch sinen vrünt eynen vinger gebe, es dücht eme ein 15 groß ding. er gab synen lib gar vur uns, nû singen mit vrouden den ton des lobis: laudate Dominum de celis. alle gotis geschephde lobent got. omnis spiritus laudet Dominum in excelsis, benedicite Dominum! in der kirchen und in dem chore machent den tantz, ibi Benjamin adolescentulus in 20 mentis excessu. die kint von der der rechten hant die sollen da frolich tanzten, aber die von der werlt, die tanzten wieder syns nach der linken hant, want sy werbent nach irdischen dingen und nach zergenecklichen frouden. die jüngeling und die fursten sollen erheben den tantz. prevenerunt principes 25 conjuncti psallentibus in medio juvenularum tympanistiarum. wir sollen mit vreuden gein in den choir, die engele sint zom ersten da die den tantz heben. die tamburen sal man slahen und uf werfen, die ist gemachet von hultz und von einer hute, die ist dar uber gezogen. das hultz bezeichent die hertikeit des 30 ordens. die hutt, unser tottlich kranek liden, sollen wir dar uber zihen mit arbeit und sollen sy frolich uf werfen. zo der arbeit (100) des spiegels gelustet unsern herren und den engelen. drier hand volk sol tanzten vor: principes Juda, das sint die kint des rüwen; principes Zabulon, das sint, die da gesterket 35

5 = 1 Cor. 6, 17: qui autem adhaeret Domino, unus spiritus est.

7 Psalm. 4, 1. 9 Psalm. 26, 9 etc. 14 Matth. 26, 26 etc.

17 Psalm. 148, 2. 18 Psalm. 150, 6. 20 Psalm. 67, 28. 25 Psalm.

67, 26. 34 ff. Psalm. 67, 28.